



Մ Ա Յ Ր Ա Թ Ո Ռ Ո Ւ Մ

ՄԱՅԻՍԻ 3-ին, ՈՒՐԱԹ, վերաբացվեց
Հոգևոր ձեմարանը զատկական արձակուրդ-
ներից հետո: Նույն օրը սկսվեցին դասա-
վանդությունները:

ՄԱՅԻՍԻ 4-ին, ՇԱՐԱԹ, զատկվա տոների
կապակցությամբ Թրիլիաի և Բաքու գնացած
բարեշնորհ Հովհաննես Դանիելյան, Սար-
գիս Բեհրուդյան և Կարապետ Բենիյան
սարկավազները վերադարձան Մայր Աթոռ,
հոգեշնորհ Տ. Մեսրոպ վարդապետի պիսա-
վորությամբ:

ՄԱՅԻՍԻ 5-ին, ԱՇԽԱՐՀԱՄԱՏՐԱՆ ԿԻՐԱ-
ԿԻՆ (Կանաչ կիրակի), Մայր Տաճարում
պատարագեց արժանապատիվ Տ. Հակոբ
քահանա Հակոբյանը: Քարոզեց գերաշնորհ
Տ. Սահակ արքեպիսկոպոս Տեր-Հովհան-
նիսյանը «Սիրտ սուրբ հաստատեա յիս Աս-
տուած և հոգի ուղիղ նորոգեա ի փորի
իմում» բնաբանով:

ՄԱՅԻՍԻ 10-ին, ՈՒՐԱԹ, Վեհարանում,
երեկոյան ժամը 9-ին միաբանության հա-
մար դասախոսեց հոգեշնորհ Տ. Հուսիկ ա-
րեղա Սանթրույանը «Վեհափառ Հայրապե-
տի ուղեորությունը Իտալիա և Միլանի հայ
գաղութը» թեմայով:

ՄԱՅԻՍԻ 12-ին, ԿԱՐՄԻՐ ԿԻՐԱԿԻՆ, Մայր
Տաճարում պաշտվեց հանդիսավոր սուրբ
պատարագ: Պատարագեց ու քարոզեց Հո-
գևոր ձեմարանի վերակացու արժանապա-
տիվ Տ. Հովհաննես քահանա Մարուքյանը
Կարմիր կիրակիի խորհրդի և նշանակու-
թյան մասին:

ՄԱՅԻՍԻ 15-ին, ՉՈՐԵՔՇԱՐԹԻ, երեկո-
յան ժամը 5-ին Հոգևոր ձեմարանում բա-
նախոսեց Քրանսահայ պ. Աղասի Դարբին-
յանը, որը եկել էր Մայր Հայրենիք՝ 1957
թվականի ամռանը Ֆրանսիայից դեպի Սովե-
տական Հայաստան տուրիզմ կազմակերպե-
լու համար: Բանախոսությանը ներկա էին
Վեհափառ Հայրապետը, Մայր Աթոռի ամ-
բողջ միաբանությունը և վանքի պաշտոնեու-
թյունը:

Բանախոսությանը ներկա էին նաև ճար-
տարապետներ Մ. Մազմանյանը և Ռ. Իս-
րայելյանը:

Պ. Դարբինյանը հանգամանորեն խոսեց
Քրանսահայ գաղութի ազգային, գրական,
մշակութային և եկեղեցական կյանքի մա-
սին, ծանրացավ Քրանսահայ գաղութի հայ-
րենասիրական զգացմունքների և Մայր
Հայրենիքի ու Ս. էջմիածնի հետ մշակու-
թյան, եկեղեցական, հոգեկան կապերի
ամրապնդման վրա և այս ամռան Քրանսա-
հայ գաղութից դեպի Սովետական Հայաս-
տան ու Ս. էջմիածին կատարվելիք տուրիզ-
մի վրա:

Բանախոսության վերջում պ. Ա. Դարբին-
յանը սիրով պատասխանեց միաբանության
և ուսանողության կողմից տրված զանազան
հարցերին:

Հինգ րոպե ընդմիջումից հետո գործա-
դրվեց գեղարվեստական ծրագիր: Թավջութ-
նակի վրա դաշնամուրի ընկերակցությամբ
նվագեց Բուխարեցուի միջազգային ֆեստի-
վալում առաջնություն շահած շնորհալի թավ-
ջութակահար օրիորդ Մեդեա Արրահամյանը,
արժանանալով ջերմ ընդունելության:

Վերջում Վեհափառ Հայրապետը, ի նշան
հարապետական գնահատության, տաղան-
դավոր արվեստագիտուհուն նվիրեց Միլա-
նոյից ստացված մի գեղեցիկ թավջութակ:

ՄԱՅԻՍԻ 16-ին, ՀԻՆԳՇԱՐԹԻ, հրեկոյան ժամը 9-ին, Վեհարանում, միաբանության համար դասախոսեց հոգեշնորհ Տ. Նղիշի վարդապետ Սարգսյանը Վեհափառ Հայրապետի ուղեորությունը Վենետիկ և հայ Վենետիկը՝ նյութի շուրջ:

ՄԱՅԻՍԻ 19-ին, ԿԻՐԱԿԻ, «Տոն հրեման Սրբոյ Խաչի»: Մայր Տաճարում պատարագեց և քարոզեց հոգեշնորհ Տ. Խորեն վարդապետ էլշուշյանը «Ես եմ հովիւն քաջ, հովիւ քաջ զանձն իւր դէ ի վերայ ոչխարաց» բնարանով:

Սուրբ պատարագին ներկա էր Վեհափառ Հայրապետը:

ՄԱՅԻՍԻ 22-ին, ՉՈՐԵՔՇԱՐԹԻ, հրեկոյան ժամը 9-ին, Վեհարանում, միաբանության համար դասախոսեց արժանապատիվ Տ. Ռուբեն քահանա Մարտիրոսյանը Վեհափառ Հայրապետի ուղեորությունը Ֆրանսիա և Փարիզի հայ դաղութը՝ նյութի շուրջ:

ՄԱՅԻՍԻ 26-ին, ԿԻՐԱԿԻ, Մայր Տաճարում պատարագեց Շիրակի թեմի առաջնորդական տեղապահ հոգեշնորհ Տ. Կոմիտաս վարդապետ Տեր-Ստեփանյանը:

Սուրբ պատարագին ներկա էր Վեհափառ Հայրապետը:

ԱՅՅԵԼՈՒԹՅՈՒՆՆԵՐ

ՄԱՅԻՍԻ 8-ին ՄԱՅՐ ԱԹՈՒ Ս. ԷԶՄԻԱՄԻՆ այցելեց Սովետական կանանց կոմիտեի հրավերով Երևան ժամանած Ավստրիայի կանանց պատվիրակությունը, որին գլխավորում էր Ավստրիայի դեմոկրատ կանանց միության փոխ-նախագահ տիկին Մարիա Սուբինը: Կանանց պատվիրակությունը եղավ Մայր Տաճարում և եկեղեցա-հնագիտական թանգարանում և մեկնեց լավագույն տպավորություններով:

ՄԱՅԻՍԻ 14-ին ՄԱՅՐ ԱԹՈՒ Ս. ԷԶՄԻԱՄԻՆ այցելեց Իտալիա—ՍՍՌՄ ընկերության պատվիրակությունը, Իտալիայի պառլամենտի անդամ Հորացիո Բարբոյերիի գլխավորությամբ:

ՄԱՅԻՍԻ 28-ին, ԵՐԵՎԱՆԻ, հրեկոյան ժամը 8-ին Վեհարանում միաբանական լսարանում բանախոսեց Հոգևոր ձեռնարանի դասախոս և վերակացու արժանապատիվ Տ. Հովհաննես քահանա Մարտիրոսը Վեհափառ Հայրապետի ուղեորությունը Անգլիա և Անգլիայի հայ դաղութը՝ նյութի շուրջ:

ՄԱՅԻՍԻ 29-ին, ՉՈՐԵՔՇԱՐԹԻ, Համարձման տոնի կապակցությամբ, Արայի լեռան վրա գտնվող Մաղկավանք ուխտատեղին մեկնեցին արժանապատիվ Տ. Հակոբ քահանա Հակոբյանը, բարեշնորհ Պետրոս սարկավագ Բերբերյանը և ուսանողներ Ժիրայր ձերեճյանն ու Գևորգ էլիբեկյանը:

ՄԱՅԻՍԻ 30-ին, ՀԻՆԳՇԱՐԹԻ, Համարձման տոնի առթիվ, Մայր Տաճարում հանդիսավոր սուրբ պատարագ մատուցեց Գեորգույն Հոգևոր Խորհրդի անդամ գերաշնորհ Տ. Վարդան եպիսկոպոս Տեր-Սահակյանը: Շատ կողմերից Ս. Էմիլածին ուխտի էին եկել բազմաթիվ հավատացյալներ օրվա տոնի կապակցությամբ: Քարոզեց հոգեշնորհ Տ. Նղիշի վարդապետ Սարգսյանը Համարձման տոնի առթիվ, ծանրանալով Ս. Աթոռի Սսից էմիլածին փոխադրության պատմական նշանակության վրա:

Սուրբ պատարագին ներկա էր Վեհափառ Հայրապետը:

ՄԱՅԻՍԻ 22-ին ՄԱՅՐ ԱԹՈՒ Ս. ԷԶՄԻԱՄԻՆ այցելեց չիլիական ակնամվոր բանաստեղծ և հասարակական գործիչ, «Ժողովուրդների միջև խաղաղությունն ամրապնդելու համար» միջազգային կենտրոնի մրցանակի լաուրեատ Պարլո Ներուդան իր տիկնոջ հետ:

